

La čantia del primiziànt.

Fata da Senjeur Battista per la
mësa nevöla de Senjeur Antòne.

- I. Audidma, audidma, n tël stlupetamënt!
Čalëdma sun plaza, če fóla de žënt.
Da santa Krestina, da Bula i Častól
I tanč da Urtižëi k' ië nkûei tló a nõš ból.
- II. Xen čëli i kunšidra tan ból kël ië fa su,
De tòi bfei triumphórten n'a-n pa mò udu.
Pò sfranži i spënži i uel se fë inant
Per udëi këi da nõza i l Senjeur Primiziant.
- III. Xën vëni al mòto, k' i sona adum;
Pu auter k' i vën, i čalëdma če grum!
Če lिंगa tan longă, če tlap de parëč,
Amizi i kumpanjes i pekòč i studëč.
- IV. Dant-òra i skulëies kul guan' da san-di,
A pèr ból a lिंगa škel toka da ži;
L maóster de skola ië ënke leprò
Per mëter n pûe vérda k' i ne fëže vël dandò.
- V. Čalë-ima ai šizri, tan ból k' i se vën!
Tan bën k' i saudëies, s' astiëli pu xën!
Ma i a pa nče n áukmòn ke sa kumandë
Kun zuch i kun n šnait ke l i fëš pròpi tremè.
- VI. Audidma la múžiga! N tël ië n sunè!
Nkûei dramì ite i la fëži stlefè!
De tòi muzikòntri nen aud-un mè přëš:
Per auter kël mïeni pa bën nče nstëš!
- VII. Čalëdma pò. xën këi ke pòrta i valóns,
Se stiza i se pròva de trè ti kurdóns,
Ačò k' i nel zère i nel pëte no žu,
L fos pa mófun mpò n pûe da-ulëi-mël la tò su.

- VIII. La šefres a blank kun gerlandes sul čē,
Tan bōla inozēntes ke les iē da nvidjē.
De bīei pitli anġuli pudēs-un i di,
Ke fēs bōla blēita i la filza da ri.
- IX. I kēles da la gerlanda, če bōl furnimēnt,
Dut plēn de spigētes, blot ōr i aržēnt;
Pò zandli i pintes pudēis ve npensē,
I filzes i varētes, kel ne fos-cl mèi asē.
- X. Če žeunes tan šodes i šeries ke l iē,
Ke tēn bōla dutes mèdrē al fat i siē.
Ži via kēl va-les tan plan i zebil,
Ke dutes de beriēda ne kerpēša n stlòp de fil.
- XI. Ma mò plu zebíl, še ulēis kunšidrē,
Sa danz la neviča da fē i s'astilē.
Ma iē la neviča a n pròve iē n leur,
Ke fēs a na žeuna desegúr n gran uneur.
- XII. Xēn ke udēis l Senjeur Primiziánt,
Mesēis kunšidrē ke l iē ruvā tan inánt,
Ke l iē da unerē i ke l iē da nvidjē
Mò auter plu ke n kòzer i mò auter plu ke n rē.
- XIII. Xēn vēn kēi da nòza, amizi i parēnč,
Duč plēns d'alegrēza, beáč i kuntēnč.
Nši vai te dlīēža, na gran prozesiòn,
I aut la perdika i mēsa ku' na vōra devoziòn.



L ie riē kumprē bestiām.

«Da kiž ani ne san plu ulā tò n čē de bestiam da pudei mazē»,
diš n di l bekē a si fant; »l fos debužēn k' i vadiēi keršēs sui lēns;
i a ulei ġatē n pūe na bōla vača da zidlē vèlk, mūesun sautē da
Ponzio a Pilato.»

»Ie savēs bēn ulā ke l fos mò na bōla bōstia da ġatē», diš Sepl,
l gran fant; »kla rosa d'andā Bērbla.»

»Kēla pòses tu ži a kumprē, še te ūes; plu sauri i trapulōi
bēn žu n'ana al malan ke i marčadē žu vèlk a kēle vōdla avarona.»

La vödla muta.

- I. La iê fata!
A ve la di duta,
Îel da'uni mata:
Son vödla muta!
In`eurità,
Nen ës minà.
- II. No, ne fòve nia tan burta,
I minove ke la fos vënta;
Bênke n pûe stramba i kurta,
Fòvi mpò for valënta.
La ie nši,
Nen è mentì.
- III. Ma zën ke nen è gâtà,
Sons da runfles i n pûe foša;
L desdën m' a revinà
Šike na vödla moša.
Ah! mi žënt
Če spavënt!
- IV. Son vödla i žmarida,
Da sperè nen îel plu nia:
Degùn plu ne me marida,
Ma la kolpa nen iê mia.
Mpò drë
Da muië.
- V. Îe sè i kl ból Dië
Tan k' e fat i è pruà;
È segur fat l fat i mië,
Ma nia nen a žuà.
Da bradlè
A pensè.
- VI. Son žita nče a dlîëža,
Ma degùn sant ne m'a žudà;
I nfin, oh per dlîëža!
Sant Antöne m'a tralašà.
Uleis de plu?
Ki ës kerdu?
- VII. Son žita a gratunè,
I trûe' bai m' a i pità.
Ma de me maridè
N' a mèi degùn nunzià.
Ès pu durmì
Bon sauri.

- VIII. A Urtižei èi fat la pròa,
Žita sons suēnz dlaite;
Ma degun vòdl ne me čalòa,
Duč mučòa riēš dedite.
Če nğanèda,
Nče per strèda.
- IX. Ah! mutòns dal kūer tan dur,
Ne ve binče nia de riē;
Ma la vendētta vèn segur,
Še n' a perdòn kel ból Diē.
Ti čavēi
A vo ēi!
- X. Ma xēn sè-i če ke fēže:
Īe devēnte mo na stria;
Pò mutòns iē ve drēže
I ve fruze duč n nia.
La tampòsta
A vo ròsta.
- XI. Sibe vòdl oder žeun,
Unjun arà si straufonga.
Ve tóke pu mè l teun,
Kēsta iē mi minonga.
Taka drēt
Kēš maladēt!
- XII. Pò kuntēnta ūei žbingè
Kun truēp autres la gernèa,
Kan ke ve veiže vo tumè
Granč i pitli pèa.
Pò n čik i n saut
Ból adaut.



N pūek per sòrt.

- »Per ki sieisa kšta iērba?« damanda n di n senjeur a n seteur;
»per vòš patrón?«
»No« diš l auter.
»Pò la siereis per vo nstēs?«
»No.«
»Pu per ki pa pò?«
»Per la vačes.«

infièrn. Dal gran spavënt m'èi dešedà. Pò èi palpà dlonga mè
žu, per udei ulà ke son; i è udù ke l spavënt iè mò mažer: ke
son maridà.«

* * *

Saveisa kò ke anda Lena fèš per udei še bèra Žan nen a
mia no bu masa kan ke l vën tèrt òra d'ustaria? La i fèš mò
mèter n fil te na odla.

* * *


N avaròn iè šike n purčòl gras: l utel an mpermò dò si mòrt.



Da ndevinè.

- I. Će ièl pa ke krěš d' inviern i mòr d' instà?
L a la raviza sun som i krěš žuvièr.
- II. Ki ke ne l a nia, ne uèl nia l avei;
ki ke l a, ne uèl nia l pièrder;
ki ke l vënč, ne l a nia plu.
- III. N l pòrta sun meiza, l mešaida i
i n da a duč, ma deguni nen maia.
- IV. Ki iè pa l plu da čorka te dlěža?
Ki iè pa l plu vòdl te dlěža?
- V. Kluna iè pa la masaria plu da totl
te čěza? i kluna la plu da maladèt?





'L vödl mut.

(Dò na copia de W. Moroder).

- I. N-ëss' giapà bën cënt per una,
Ma scusà ne m' à mèi deguna;
Mè na böna è-i zercà,
Ma na tèla n' è-i giapà.
Je lašëss' inánt la tèsta,
Che me tò na tèl rie pèsta,
Che me dà 'n tèl guiërn,
Šiche fosse tel infiërn.
- II. Mi mutóns! èis bën la vèles,
Cri-vè riches o de böles;
Je per mè, je laše stè,
Y inchèghe al maridè.
Sálonon diš: Dut ie aiti,
Auter che s' en böver 'n žaitl;
In chëš cont à-l bën rešón,
In chëš cont nen ie-l minción.
- III. Tan acòrt che chëš rē fòva,
N' ie-l mèi stat y plu s' en tròva.
La fenáns pur 'l à giapà,
Èiles 'l à mò ingianà!
Še fin Sálomon n' i mucia:
Ve farà-les a vo na pucia?
Mè fašë-i 'n drē mus dur,
Še no ve giap'-les tan segúr.
- IV. Fina Ġan dala Rainöles
Ne dà achter ala böles;
Èl ti cigna prëst de no,
Y stluš mò i uedli prò!

Še dišeis d' en tò de riches,
Ve darà-l de bur gran pliches,
Žarerà i uedli prò,
Cignerà da nuef de no.

V. Les ve fèš tel prim la tlòza,
Ma spitède dò la nòza,
Audirèis tòst 'n bōl spas,
Can che les vèn cul gran šadás.
Še ne ti dèš bōl prèst la brèies,
Audirès-te tòst de bieì svèies:
Chèstes aut pu mè a mi,
Tue! 'l chitl te dè-i a ti!

VI. Še tu nen ues, la te minciona;
La dirà: Je son patrona,
Ne me ciaculè debánt,
Je cumande, tu ies fant!
La mobilies ie dutes mées,
Ma la criatures tées.
Tu ies sèul a davagnè,
Y je sès che ue majè!

VII. La dirà: 'L ie zèn la mòda,
Che 'ŋ èuta 'ntèur la ròda!
Caro tu! Ès intendù?
'L šadás èš bèn udù!
Še ne te stès bōl sot mi zòchi,
Cul šadás arès ti còchi!
Chèl ch' je ue, èš da fè,
Chèl che n' ue, èš da lašè!

VIII. A San Job, diš la scritura,
Ie - la ġita ènche dura. —
'N se muessa spaventè,
A pensè al' maridè. —
Si rie fèna 'l tramentòva,
'L minaciòva y i dašòva;
Y per dè a 'n sant custúm,
'L à-la trat mò sul chetúm.

IX. Še i sanč nèn ie segures,
Can che 'l va drèt ala dures,
Ve ulèisej mò 'nfidè,
Mi mutóns da maridè?

Pier' o Paul, metêde vèrda!
Sul chetúm o tela mèrda
Ve trarà-les trame-doi,
O defín te chègadói.

X. Ès assè dinèi y mitli:
Can che t'ès cinc, sies, söt pitli,
Can ch' i vèn-pa dô svajàn:
Tata, mama, je ue pan!
Cò i darès tu assè pulènta,
Can che t' ès na bōla gran stènta?
O! dirès, puere cutèl!
'L maridè ie 'l mađer mèl.

XI. Laše prò che t' ès na rica,
Drèt supërba che se šica;
La dirà: Dà ca dinèi.
Y te 'n böt sarà-i finèi.
Ès fiáns, drèt flinches, blòtes,
Damanderà-les tòst la dòtes;
Y mutóns che uel balè —
Tè te laš-i-pa bradlè!

XII. Cri-ve pu tèl bōla Bòtes,
Arēis tòš sul cē curnòtes;
Cri-ve pu de vòš gust,
Ugnuna à si fust.
Chi 'n uel longes, chi 'n uel curtes,
Chi 'n uel fošes, chi 'n uel burtes,
Ma ugnún n - arà assè —
Je per mè les laše stè.
Èiles me dirà del dut,
Ma je rōste vōdl mut.



bën, anzi 'nfina che 'l ie mòrt, 'η pò dì, dal blo' gras che 'l fòva diventà.

Can che 'l fòva mòrt, òva 'l vödl 'n vöre ferdrús y s' à 'mpessà, che 'l guardián 'l òva-pa möfun plu segúr castigà y cundanà a diventè y restè muśát tēmp de si vita.

Sta stòria ie metud' òra a pòsta per mustrè, cò che de rie gēnt per pura malizià y cun blo' baugies pròva, no mè de 'ngianè la bona gēnt, ma 'nfina-mèi de mèter 'n ridicul la virtù crestianes y la santa religiòn. Schivē-ve y temē-ve da chēi che reřona gēn di pröves, di capuzíneri, dela múnighes i di cunvēñ.




Na viva pra mēisa da nòza dela mēssa nevöla de Segnēur P. Capuziner Piere Damián Verginer da Bula.

(Fata da Segnēur Batista.)

- I. Na ciantia metēss-i gēn òra
A unēur del Segnēur Premeziánt;
Ne sè pò, še vēgne da-in-òra,
Zēn fēs-i na pròva d' intánt.
- II. Per vo, Segnēur Pater Verginer,
Per vo vèl sta pue' de cianzón,
Zēn che sēis diventà capuziner,
Vo, nòš pitl mut da Anción.
- III. Ve diēse mè-drē doi paròles,
Ma drēt ala bōna y bōl brèt;
Savēis pu ch'è fa pitla scòles,
Y chēles mò massa da frèt.
- IV. Audíde zēn cie che ve diēse,
Y cie che è 'ncuei usservà;
Mè-drē che vòš cuer se-la riēse,
Pò sons 'nce ie cuntentà.
- V. Ciauzèi n' ēis-a drē' ala mòda,
Pò gēis mò deschēuz 'ncantēur;
Che še ruvessais te vèl bròda?
Pò fosse-l 'n fōter bur lēur.

- VI. Dela bèrba ne, diš-i mè nía,
Che bèrbes à-i bèn 'ce tlo'ntèur;
Ugnún uel valèi cula sia,
Y mašima i gèuni can che la flèur.
- VII. Y 'l guant, che èis vo, Segnèur Piere,
Nen ie-pa 'n guan' da segnèur;
Je cèle 'ntèur-òra y chiere,
Y vèighe, che duč n-à 'n mièur.
- VIII. A vòster 'ncuei na tèl fòsta,
Pudais bèn 'mpò 'n tò 'n mièur.
Minais-a ch'uniss' la tampòsta?
Pu pò fais pu sot-al celèur.
- IX. Y tlo sèis pu ènche a sosta,
Y duč à pu 'l guan' da san-dí;
Vòs bøl sè-i bèn je cie che 'l costa:
Na pròša š'che chël da ugne dí.
- X. Del guant ne 'ndašèise vo nia,
Mè 'n bøl padernòster y 'l brevier;
'L röst dašèssaise dut via,
Magari per 'n criegl de pier.
- XI. Doi còsses ie vòsta legrèza:
'N gran padernòster y 'l brevier;
Y chèsta ie vòsta richèza:
Ma 'mpò sèis plu ric che 'n banchier.
- XII. Vo sèis zèn segúr dela salvèza,
Y sèis vòramènter cuntènt;
Gudèis ugne vòra belèza
A vòster te 'n tèl bøl cunvènt.
- XIII. O bon Padre Piere, periède
Per duč vòs amič y parèñč,
Ch'i ruve 'n dí de-berière
A vòster beač y cuntèñč.
- XIV. Y vo, che sèis tlo a sta nòza,
Gudè-v'la ugnún da crestián!
Drusède zèn duč vòsta bòza:
Na viva a Segnèur Piere Damián!



de san Piere ie-l 35 còrps sanč y na quantità straudinària d'otra reliquies.

Chi che vèn dunque a Roma y va a san Piere, ne 'l fèse mè per curiosità, ma per devuziòn, percie che 'l luec ie vòramenter sant, luec ulà che ch'l bōl Die per interzessiòn de san Piere à cunzedù y cunzōt mò truepìsima grazies a chi ch' à la bōna vulentà de viver y muri da bon crestiàn.

Segnèur Antòne da Fussèl.



L' amor del' oma.

(Da Fr. Moroder de Lenert a Urtisèi, dò na ciàntia inglèisa.)

- I. Cie ie-l che sun cheś mont lieia 'l cuer
 'L plu santamēter, del ric y del puer,
 Che bōle al nașer cun gaudio nes saluda,
 Che dura fin che la mōrt nes spartēs y dut muda?
 'L miēur sun cheś mont, che dal ciel nes pō unì dat,
 La maġra bendeșiòn ch' Idie nes à fat,
 'L plu amabil, 'l plu vēira, 'l plu che dura:
 'L ie l'amór del'oma y si cura.
- II. Tan de mèi bōl dan nōs nașer, y pō ce bria
 Pra la cuna, dí y nuet ne lașe-la dò nia,
 Ce lēur a nes cuntentē, ce tēma, ce cura,
 Dut supòrt-la cun paziēza zēnza mesura.
 La riș cun nēus, y a cuer i va duč nōs mèi,
 Y ce festide, ce duel, can che son amalēi.
 Mèi n' à-la fat assē y pra nēus sta-la for,
 Mèi ne se stancia del'oma 'l gran amór.
- III. Y pō che son plu granč y cherșui sù,
 Che 'l mont minacia nōsta giuventù,
 Și che la se prōva cun bon 'nsegnamēnč,
 Che restonze da lonč dal mèl y bieì valēnč.
 Tel pericul nōsta miēur custòdia sarà
 Ch'la paròles d'amuniziòn y d'aurità,
 Che dut a bōnes y tan de cuer reșona
 Plēn de tēma l'amór de na bòn' oma.
- IV. Y can che cui ani 'ncie per nēus vèn 'l tēmp,
 Che se 'ngignón cumpania y tēl pitla gēnt,
 Che tan nes sta a cuer, y ch' i ulón tan bon,
 Mè per nōsta familia nēus se festidiòn,
 Ugnún a sē pēnsa y per i siei cialerà,
 Del fra, dela sòr, del amíc l'amór passerà;
 Ma še duč t'ēss' desmincià y t'ēss' tralașà:
 No mèi, mèi l'amór del' oma ne sarà finà.



De cundana òv-i giatà 20 ani per-un, auter che Bovo; chël òva giatà 15 ani, pervia che 'l nen òva fa nia a gënt y òva cunfessà ite dut.
A. L.



Per la fösta del 1908 a Urtisèi.

- I. Ve saludón cun duta stima,
Mont de Frèa y Gherdenacia,
Vo de Sëlva y sant' Crestina,
Dut Surèghes cun Puciacia,
Vo Badiòc y Ampezáns,
Mò Fedomes y Fašáns,
Bën unič duč a un,
Per la fösta del chemún.
- II. Vo Ladíns sèis duč 'nvièi
Per sta fösta a gūdè;
Pitl y grant, tan èiles ch'ei,
Da nòš chemún a saludè
Y ringraziè del gran unèur,
Cura y bria, che s'à dat
Nòš Grof amà y bon Segnèur,
Che sèulamènter chēs à fat.
- III. La natura dut plu bōla:
Dut se-la gēut, bën grant y pitl;
Tan plu tlèr ie mont de Sōla;
'Nce l'ava à n'auter chitl.
Dut se-la riš dala legreza,
Sauta y ciga; china i pēs
Te ruf cun gran svaltēza
Spriza 'ntèur y se devertēs.
- IV. N'ulēs^s dì nia dela mutáns,
Di mutóns, 'nce del'oma,
Dut deslià, 'nchina i cians
Sauta 'ntèur s'che mač y toma.
'L plu da rì ie mò Sas-plaç,
Sas-lonc ne sta plu nia chiet;
Chi crèps sta ca s'che cater mač:
Pudēs^s minè che 'l ie 'n sueñ te liet.
- V. Dut sauta adúm a decurè
Cēses, plazes, a fè purtóns
Cun nēif, stanges, y a purtè
Daša, 'nce tēi pitli mutóns.

I vödli ambòlč: Chël da Snetón,
Da Còsta, Murèda y 'l Cadèmia,
'L Pöc, 'l Purger, chël da Janón,
Fač de nēif meríta prèmia.

VI. 'L ie dò-mež-dí, zēn prēs la doi,
'L Grof muess' ruè bēn ugne mumēt;
Ġēnt ie-l bōl dlonc sun ugne troi,
La muš'ga sauta che'l ie 'n spavēt.
'L ambòlt saluda 'l prim de duč,
Pò chēi de scòla: Segnēur Pluán,
Šizri, dutores, y Segnēur Puč:
A dui ti dà Segnēur Grof la man.

VII. Cun gherlanda spiza sie^s mutáns,
Fòve-l a reciöver nòš Segnēur,
Ne se diš tan bōles, semiòda fiáns
De 'n còser, no d'usèdes al lēur.
Ch'la Milia à dit tan bōl y a drēt
Chel rim che bèra Franzl à fat;
Je m'è 'namurà, — Die benedēt
Ġude-me, še no devēt-i mat.

VIII. Val de Gherdēina, mi legrēza,
Data de fertuna trēs y trēs;
Dut stupēš per ti belēza,
Tèi bieì crēps y monč che t'ès.
Rōsta š'che t'ies per for y for,
'N pòpul 'mpulsà de spirt y vivanda,
De cunfidēnza a Die y amór
Al lēur; 'l ciel te darà la gherlanda.

Cristl Delago.



La Madòna à da-gnēura ġudà.

(Da Segnēur Pluán Anderlan.)

La vödla dliesà da Urtišēi ne fòva zacán ulá che la ie al dí da 'ncuei; la fòva sa sant' Ana, ulá che ie zēn la curтина, y fòva 84 pieš longia cula curтина 'ntēur ite, cò che 'η vēiġa mò te truep lueš. Dlongia fòva la capòla de sant' Ana, cò che la sta mò al dí da 'ncuei; y che, a chēi tēmps se tlamòva la capòla dai òš. La dliesà iló fòva stata frabichèda l' aṇ 1744, ma i òva fat la murèdes massa dēibles, a maniera che les zessòva; 'l revēut traġòva de gran sfèsses cun gran pericul de tumè ite, y la dliesà scumen-ciòva a se sfēnder. Per chël à pò chēi da Urtišēi frabicà la gran